

## ՆԱՎԱՍԱՐԻ ԺԱՅՌԱՊԱՏԿԵՐՆԵՐԸ

ԱՐԳՅԱՄ ԱՅՎԱԶՅԱՆ

Նախիջևանի գոգավորությունը, շնորհիվ իր բնակլիմայական և աշխարհազրական նպաստավոր պայմանների, դեռևս մ. թ. ա. III—I հազարամյակներում հայտնի է եղել որպես Հայաստանի նշանավոր երկրագործական ու անասնապահական օջախներից մեկը: Նրա տարածքի տարբեր վայրերից՝ վաղեմի բնակատեղիներից ու բերդաքաղաքներից, պատահական հայտնաբերումների ու հնագիտական պեղումների շնորհիվ, կուտակվել են հնադարյան նյութական մշակույթի բազմազան իրեր ու առարկաներ: Այդ տեսակետից դիտական կարևոր նշանակություն են ստացել նախիջևանի աղի հանքի, Քյուլ թափայի, Կարմիր վանքի, Շարուրի դաշտի Շահթախտի (Քաղավորանիստ), Քաուրկալայի, Գողթնի Գիրան քաղաքի և այլ հնավայրերի նյութերը, որոնք իրենց զուգահեռներն ունեն Հայկական լեռնաշխարհի, Վրաստանի ու Ադրբեջանի մի շարք հնագիտական կենտրոնների նյութերի շարքում:

Նախիջևանի հնամենի մշակույթից մեզ հասած սկզբնաղբյուրներից են Զանգեզուրի լեռնաշղթայի Կապուտջուղ լեռնագագաթի ծավասար կամ Տապանասար լեռան վրա հայտնաբերված ժայռապատկերները: Բարձրագիյր (3200—3500 մ) լեռնանցքներով, զառիթափ լանջերով այդ լեռնագագաթը ծովի մակարդակից բարձր է 3906 մ և Փոքր Կովկասի ամենաբարձր կետն է: Պայտոգների գրանիտներից, մոնցոնիտներից և այլ քարատեսակներից կազմված լեռնագագաթն իր լանջերին ունի նաև ստվարաթիվ քարակարկառներ ու խորխուրատներ:

Կապուտջուղի լեռնագագաթը, և առհասարակ Զանգեզուրի լեռնաշղթայի հարավային մասը, որ ավելի բան 96 կմ երկարությամբ Մալվարդ սարից ձգվում է մինչև Արաքս գետը, էպպես տարբերվում է հյուսիսայինից (Մալվարդից մինչև Վայքի լեռնաշղթան): Այս հատվածում բարձրություններն ավելի մեծ են, և ինչպես Սյունիքի, այնպես էլ նախիջևանի կողմում կան մի շարք լճակներ ու վտակներ, հանքային տաք աղբյուրներ, իսկ Սիսիանի լեռնանցքի մերձակայքում իշխում են տարատեսակ թփուտներն ու անտառապատ լանջերը:

Կապուտջուղը և նրա մերձակայքի լեռնագագաթները (նավասար կամ Տապանասար, Կոնակոշ կամ Կովանկոշ, Ղազարի սար, Սարի սուրբ Նշան, Աբանգնազ, Գալխս եմ-գալխս եմ, Ծակ քար, Մեսրոպ Մաշտոցի անձամ) իրենց ցրտաշունչ կլիմայով ու հրաբխավեժ կազմվածքով դեռևս հեթանոսական շրջանից պաշտվել են հայ ժողովրդի կողմից: Վերջիններիս հետ կապված հնամենի ակունքներ ունեցող մի շարք ավանդություններ ու առասպելներ<sup>1</sup>, որոնք առ այսօր էլ պատմվում են Գողթնի (այժմ՝ Նախիջևանի ԽՍՀ, Օրդուբադի շրջան) բնակչության շրջանում, ապացուցում են, որ Կապուտջուղի

բարձուներները դեռևս խոր հնադարում եղել են մարդկային բնակատեղիներ և անբակտերիորեն կապված են հայկական իրականության հետ:

Նավասարը կամ Տապանասարը Կապուտջուղի արևմտյան կողմի բարձունքն է, որի ստորոտում է գտնվում անհիշելի ժամանակներից հիմնված Գողթնի պատմական Մեսրոպավան, Մասրեան (այժմյան Օրդուրադի շրջանի Նասրվազ) գյուղը: Նավասարի գագաթնամասերը բուսականությունից զուրկ են և նույնիսկ ամառվա ամիսներին գագաթնամերձ հատվածները տեղ-տեղ ծածկված են լինում ձյան շերտերով: Իսկ լեռան միջին և ստորին լանջերը պատած են ալպյան բուսականությամբ և լանջերն ի վար հոսում են մի շարք հորդառատ աղբյուրներ, որոնցից էլ գոյանում է 10—12 կմ երկարությամբ Մեսրոպավան գետակը: Նավասարի «Նաչի աղբյուրի» ու «Թժի աղբյուրի» մերձակայքում և սարն ի վեր մեծ ու փոքր քարերի վրա քանդակված ժայռապատկերներից բացի, Կոնակոշ, Սարի սուրբ Նշան մատուռի սրածայր լեռան, Ղազարի սարի և այլ վայրերում կան նաև հնագույն բնակատեղիների հետքեր ու քարակույտեր, անձավներ ու դամբարանադաշտեր, որոնք և ապացուցում են այդ վայրերի վաղագույն շրջաններում արտատեղիներ ու բնակատեղիներ լինելու հանգամանքները: Այս ամենը վկայում է, որ Հայկական բարձրավանդակի մյուս շրջանների նման այստեղ ևս անասնապահության համար դեռևս նախնադարյան շրջանից օգտագործվել և յուրացվել են ալպյան ու վերալպյան արտադրյալները և, բնականաբար, կան նյութական մշակույթի հետքեր: Այդ տեսակետից ուշագրավ է այն փաստը, որ այժմյան Նախիջևանի ԻՍՍՀ տարածքը եզերող Ձանգեզուրի և Վայքի լեռնաշղթաների փեշերին (ծովի մակարդակից 2000—3000 մ բարձրության վրա) գտնվում են բրոնզեդարյան մի շարք մեծ ու փոքր բնակատեղիներ ու բերդեր<sup>2</sup>:

Նավասարի ժայռապատկերները (նկ. 1—3, աղ. 1—5) գտնվում են լեռան արևմտյան փեշի, «Նաչի աղբյուրի» և «Թժի աղբյուրի» մերձակա տարածքում՝ որոշ տեղերում խմբերով, իսկ առանձին վայրերում՝ մեկուսի և սակավաթիվ: Նախնադարյան մշակույթի այդ հնամենի պատկերները քանդակված են լեռան լանջին թափված հրաբխավեժ, կապարադույն ու սև, բնական փայլունեցող քարակարկանդեղի ու քարաշեղջերի, ինչպես նաև առանձին ժայռերի վրա: Ժայռապատկերները հիմնականում լավ են պահպանվել, բայց կան նաև արդեն հողմահարված ու քայքայված պատկերներ ու մանրամասներ: Դրանց կատարման տեխնիկան կարելի է բաժանել երկու հիմնական խմբի՝ գծայինի և ծավալայինի: Յուրաքանչյուր քարի վրա պատկերված են 1—12 և ավելի պատկերներ, որոնց փորվածքի միջին խորությունը կազմում է 3—4 մմ, իսկ գծերի լայնությունը հասնում է մինչև 15—20 մմ-ի: Տեղում կատարած մեր հետազոտությունները և նավասարի ժայռապատկերների արվեստի հա-

<sup>2</sup> Այդ գոտու մի հուշարձանի մասին տե՛ս Ա. Այվազյան, Նախնադարյան կայան Նախիջևանի ԻՍՍՀ հյուսիսում («Բանբեր Երևանի համալսարանի», 1974, № 3, էջ 235—241): Այս հողվածում «Քարե տուն» կամ «Հին տուն» ժայռակոփ քարայրի արտաքին մասում քանդակված և խիստ քայքայված արձանագրության որոշ տուրիքից ելնելով, մատնանշել ենք նրա հունատառ լինելը: Սակայն հետագայի մեր ուսումնասիրությունները ապացուցեցին, որ այդ արձանագրությունը հայերեն է և հուշարձանի վրա քանդակվել է XII—XIV դդ.: Այդ փաստի անհերքելի ապացույցը արձանագրության՝ 1933 թ. կատարված մի լուսանկարի նեգատիվն է, որը պահպանվում է Հայաստանի պատմության պետական թանգարանի նեգատիվների ֆոնդի 5745 համարի տակ:



24. 1.



24. 2.



մադրական համեմատությունը կենդրկովկասի, ինչպես նաև ՍՍՀՄ-ի տարած-  
քում<sup>3</sup> հայտնաբերված ժայռապատկերների ու վաղ շրջանի նյութական մշա-



Նկ. 3.

կույթի հուշարձանների հետ ապացուցում է, որ նախասարի ժայռապատկեր-  
ների թեման հիմնականում վերարտադրում է Հայաստանի կենդանական աշ-

<sup>3</sup> Ս. Սարգսյան, նախնադարյան հասարակությունը Հայաստանում, Երևան, 1967, էջ 113—122, Գ. Կարախանյան, Պ. Սաֆյան, Սյունիքի ժայռապատկերները, Երե-  
վան, 1970, 2. Մարտիրոսյան, 2. Իսրայելյան, Գեղամա լեռների ժայռապատ-  
կերները, Երևան, 1971, 2. Մարտիրոսյան, Հայաստանի նախնադարյան նշանադրերը  
և նրանց ուրարտա-հայկական կրկնակները, Երևան, 1973, 2. Մարտիրոսյան, Գի-  
տությունն սկսվում է նախնադարում, Երևան, 1978: И. Джафарзаде, Наскальные  
изображения Кобустана («Археологические исследования в Азербайджане», Баку,  
1965, с. 15—28); Նույնի՝ Кобустан, Баку, 1973; А. Формозов, Памятники пер-  
вобытного искусства на территории СССР, М., 1980; «Звери в камне» (сборник), Но-  
восибирск, 1980; А. Окладников, Петроглифы верхней Лены, Л., 1977; Նույնի՝  
Петроглифы Центральной Азии, Л., 1980; Նույնի՝ Петроглифы Горного Алтая, Но-  
восибирск, 1980

խարհի մի շարք ներկայացուցիչների. բարձրեղջյուր քարայծ, եղջիրու, արջ, վայազ, օձ, կարիճ և այլն, որոնք համապատասխանում են կապուտշուղում առկա կենդանիների կազմին և ընտրող են Նախիջևանի ու Սյունիքի կենդանական աշխարհին: Պատկերների թվում էական տեղ են գրավում որսի տեսարանները, մարդկանց, սայլերի, թակարդների, սղապարանների, նետ ու աղեղի, երկրաչափական զանազան նշանների, տիեզերական և այլ պատկերացումներին վերաբերվող ժառանգատկերները:



Աղյուսակ 1.

Նավասարի մի շարք պատկերանշանների հար և նման օրինակների հանդիպում ենք ինչպես Սյունիքի, Գեղամա լեռների և Հայաստանի տարածքի մյուս վայրերի ժառանգատկերներում, այնպես էլ հաշվական հիերոգլիֆիկ նշանների շարքում: Այսպիսի գաղափարանշաններից են խաչ, աղեղնավոր, ժառանգ, մարդ, հյուսիս, աստիճան, աղբյուր և այլ գաղափարագրերը, որոնցից մի քանիսը պատկերված են ժառանգատկերների մեր ընդօրինակումների № 1—5 աղյուսակներում<sup>4</sup>. Նավասարի մի շարք ժառանգատկերներում մատնանշված են նաև լեռան վրա գտնվող աղբյուրների ու վտակների, լճակների

<sup>4</sup> Մեր 1-ին աղյուսակի № 4, 5, 6, 2-րդ աղյուսակի № 7, 3-րդ աղյուսակի № 1, 3, 6, 4-րդ աղյուսակի № 2, 6, 5-րդ աղյուսակի № 5 ժառանգատկերների գաղափարանշանները համեմատեք Հ. Մարտիրոսյանի «Գիտությունն սկսվում է նախնադարում» աշխատության № 7 (ըստ Ա. Արքահամյանի կազմած), 8, 9, 15, 21, 25, 30, 31, 35-ա աղյուսակների գաղափարանշանների հետ:

և այլնի տեղագրությունները, Այդ տեսակետից, օրինակ, հետաքրքիր է № 3 աղյուսակի 6-րդ պատկերը, որը մատնանշում է նավասարի զագաթնամերձ ձորակում մինչ այժմ առկա երեք փոքրիկ լճակները և դրանցից սկզբնավորվող Մեսրոպական գետակի ակունքը:

Նավասարի ժայռապատկերների բովանդակության և թեմատիկայի ուսումնասիրությունը ապացուցում է, որ դրանք ժամանակագրական առումով, քանդակման եղանակով ու մի շարք այլ զուգահեռներով հար և նման են նավասարից ոչ այնքան հեռու գտնվող Սյունիքի (Ջերմաշուր հնավայր, Ուղտա-



Աղյուսակ 2.



Աղյուսակ 3.

սար), Որոտան, Արփա գետերի ակունքների մերձակա լեռնապարերի վրա գտնվող, Գեղամա լեռների, Արագածի, ինչպես նաև Անդրկովկասի, Սիբիրի և այլ վայրերի ժայռապատկերներին, որոնք թվագրվում են V—II հազարամյակներով:

Նավասարի և նրա մերձակա լեռների լանջերին գտնվում են նաև հին շրջանի բնակատեղիների հետքեր և դամբարանադաշտեր: Այդ վայրերից արժանահիշատակ են հատկապես Ղաղարի սար լեռան փեշին, Գողթնի պատմական Շրջու կամ Սրջու գյուղատեղի մոտ գտնվող բնակատեղին ու դամբարանադաշտը, որոնք մեր կարծիքով կարելի է թվագրել մ. թ. ա. II—I հազարամյակներով: Ուշագրավ է նաև «Գժի աղբյուրի» մերձակայքում, ժայռապատկերներով քարակարկառների մեծ խմբի մոտ գտնվող դամբարանադաշտը: Վերջինս բավական ընդարձակ է և ունի ավելի քան 100 դամբարան: Հետաքրքրական են Կոնակոչի Մեսրոպ Մաշտոցի անձավր, Ղաղարի սարի հարավարևմտյան լանջի, Մակ քարի և Նավասարի մերձակայքում գտնվող այլ քարայրներ, որոնք մարդկանց համար ծառայել են որպես հուսալի կա-

ցարաններ: Վերջիններիս մի մասի մերձակայքում գտնվող դամբարանների, դրանց հատակների կավաավազային նստվածքների հետքերը վկայում են դրանց բնակատեղիներ լինելու հանգամանքները: Այդ ամենը խոսում են այն մասին, որ պատմական Գողթն գավառի բարձրադիր բնակատեղիների մեծ մասը նստակյաց կյանքի բնորոշաններ են եղել դեռևս խորը հնադարից և նշանակալից դեր են խաղացել տեղաբնիկների կյանքի ու մշակույթի ձևավորման գործում:



Աղյուսակ 4.



Աղյուսակ 5.

Նավասարի ժայռապատկերները 1970 թ. ուսումնասիրվում են Ադրբեջանի գիտությունների ակադեմիայի Նախիջևանի գիտարշավի կողմից: Սակայն մամուլում հրատարակված մի քանի գիտամասսայական, ինֆորմացիոն հոդվածները ցույց են տալիս, որ ժայռապատկերներով զբաղվող որոշ հեղինակներ այն ներկայացնում ու մեկնաբանում են քմահաճ և յուրովի: Այլպես ինչով բացատրել, որ պատմական գիտությունների թեկնածու Վ. Ալիևը Նավասարի ժայռապատկերները կտրում է նրա շրջակայքում (նկատի ունենք Սյունյաց և Վայոց Ձորի լեռնաշխարհը) եղած համանման մի շարք հուշարձաններից. որոնց նյութերը հայտնի են գիտական աշխարհին, և դրանք միմիայն նմանեցնում է Բաբու քաղաքի մերձակայքում հայտնաբերված Կոքստանի, Ապշերոնի և Քալբաջարի ժայռապատկերներին և ժամանակագրական տեսակետից դրանց մի մասը համարում է մ. թ. ա. II—I հազարամյակների աշխատանքներ, իսկ մի մասն էլ վերագրում է մ. թ. առաջին և միջին դարերին<sup>5</sup>: Ի միջի ալյոց, ինչպես Վ. Ալիևը, այնպես էլ մյուս հոդվածագիրները, նույնիսկ անտեսելով լեզվական տարադարձման տարրական պահանջ-

<sup>5</sup> В. Әлиев, Бир даһа „Кәмигаја“ рәсмләри һаггында („Азәрбајҗан кәнгләри“, 28.XII, 1971); В. Алиев, Наскальные изображения Гемигян («Краткие сообщения», 148, М., 1977, с. 50—52).

ները, նավասար կամ Տապանասար տեղանունը թարգմանելով աղբրեջաններեն, այն կոչում են Գամիգայա:

Անիմաստ ու հակագիտական են բանասիրական գիտությունների թեկնածու Արուիֆազ Հուսեինի Ասլան-օղլիի նավասարի ժառանգատկերների վերաբերյալ հրապարակած գիտամասսայական հոդվածները: Վերջինս շրջանցելով և անտեսելով մասնագիտական դրականություն հարուստ նյութերը, «Տեխնիկա մոլոդեժի» ամսագրում հրատարակված իր հոդվածում<sup>6</sup>, մի շարք մերժելի մեկնարանությունների հետ մեկտեղ, նավասար, Կապուտղուղ և այլ տեղանուններին, ժառանգատկերներին և առանձին իմաստաբանական նշաններին ու պատկերներին տալիս է գիտություն հետ ոչ մի առնչություն չունեցող, հետևապես և սնանկ ու անհիմն բացատրություններ, Հոդվածագիրը նավասարի մի քանի նշանների ու պատկերների թվում «տեսնում» է հին թուրքական այբուբենի տառեր, իսկ ժառանգատկերների ու նշանների մի մասը համարում է «արձանագրություններ» և այդ այբուբենի միջոցով «ընթերցում» դրանք: Ավելորդ ենք համարում մանրամասն անդրադառնալու հոդվածագրի հարցադրումներին, քանի որ ամսագրի հենց նույն համարում Ա. Հուսեինի Ասլան-օղլիի հոդվածի մեկնաբան, պատմաբան Գ. Գամիսովը ավել է ճիշտ և սպառիչ գնահատական: Վերջինս իրավացիորեն նշում է. «Յավոք, հեղինակի շատ ենթադրություններ թվում են քիչ հիմնավոր: Առաջին հերթին հեղինակը բոլորովին ոչինչ չի հաղորդում պատկերների և «արձանագրությունների» թվագրման եղանակի և մեթոդի մասին... Հեղինակը որոշում է օրդու-բաղյան պատկերների տարիքը 7 հուզար տարով... բայց միևնույն ժամանակ ասում է, որ «Գամիգայայի արձանագրություններում հանդիպում են հին թուրքական այբուբենի շատ տառեր և էլեմենտներ»:

Սակայն հին թուրքական բունիկան, այսպես կոչված «Օրխոնո-ենիսեյյան» գիրը, ստեղծվել է VI—VII դդ. ...Հարավային Սիբիրի ու Կենտրոնական Ասիայի շրջաններում և սելջուկների Աղբրեջան (Անդրկովկաս—Ա. Ա.) մտնելու (XI դ. կես) և նրա տարածքի հայտնի հին պետությունների՝ Կովկասյան Աղվանքի ու Ատրպատականի նվաճելու ժամանակ այդ գրերը դուրս էին եկել օգտագործումից: XI—XIII դդ. այստեղ հին տեղական լեզուն (ազերականը) փոխվում է թուրքականով: Այնպես որ «կարդալ» արձանագրությունները, ելնելով հին թուրքական բունիկայից, նույնն է, ինչ «կարդալ» էտրուկյան գրերը օգտվելով զուլուսների լեզվից...

Պատկերները, որոնք հեղինակը դիտում է որպես «հերթներ և սաղավարտներով մարդիկ հիշեցնող», «ինչ-որ տիեզերական դիպվածի մասին» պատմող, «զանազան կառույցների գծագրեր», «ինչ-որ բարդ կոնստրուկցիաների՝ նման ժամանակակից հերթների, տիեզերանավերի, անտենաների և այլ անհասկանալի սարքավորումների ուրվագծեր, հուշված են, ինչպես ինձ թվում է, գիտաֆանտաստիկ գրականության մի նման կապակցումներ, իհարկե, կարող են առաջանալ, բայց դրանք թերևս հեռու են խիստ գիտական իմացությունից»<sup>7</sup>:

6 А. Гусейни Аслан—оглы. Эрмитаж каменного века («Техника молодежи», 1972, № 5, с. 50—53).

7 Г. Даминов. Дорога мудрости длинна. («Техника молодежи», 1972, № 5, с. 54).



## НАСКАЛЬНЫЕ ИЗОБРАЖЕНИЯ НАВАСАРА

АРГАМ АЙВАЗЯН

## Резюме

Одним из древнейших первоисточников нахичеванской культуры являются наскальные изображения горы Навасар или Тапанасар.

Некоторые исследователи комментируют эти изображения самовольно и антинаучно. Например, кандидат филологических наук А. Гусейни Аслан-оглы пытается «доказать», что в них есть буквы и элементы древней тюркской письменности, в то время как они изображают представителей животного мира, характерного для древнеармянских областей Сюник и Нахичеван.